

嬰鳴館遺稿

卷之一

^ 16  
831  
1





明和6  
第 981  
卷 1-10

尾張平洲紀德民著

嬰鳴館遺稿

興讓館藏

嬰鳴館遺稿叙  
平洲先生貌嚴而敏  
愛傳而仁重誠使人披





嚶鳴館遺稿叙

平洲先生貌嚴而機清

愛博而仁至能使人披



嚶鳴館遺稿

平洲先生



肝鬲而不自疑其德已  
然乃其志之之詩也雄  
奇而溫茂其發乎文

也闕達而清雅可謂盛  
矣迺者門人將輯遺稿  
附剞劂氏問叙以憲以憲



將辭不敏已而唱然歎

曰嗚乎先生逝矣昔先生

從我教誨博約猶子

之患不廣之辱敝也興

學立改闔境之民猶知

嚮道之方者豈不皆先生



之力乎且先生之晚至敝  
邑也余已在菟裘澹次  
從容曰噫吾老矣它年

若或梓遺集者乎則請  
公序之顧其距今十餘年  
矣言猶在耳乃此役也



余雖不敏而義實所不  
辭也且夫先生之德之盛  
乃於所謂不朽者寧必待

逼之文字哉况又一序之

巧拙於先生何者遂筆斯

言以顯其首文化四年丁卯



之冬藤汝憲撰



嚶鳴館遺稿序  
昔者先師刻其詩集  
也品評賞譽題首跋尾  
以鼓吹其鄉音者瀧鶴臺  
秋玉山諸子皆一時碩



學宿儒矣今梓其遺  
文也米澤老侯  
雁山公自任其事事  
必出於至誠其丁寧反  
復猶孝子於父之遺

業實使人感泣拜恩不  
已也蓋先師受  
公禮待數十年其相得而相  
信天下或鮮匹焉則七論  
公之媿美於魯穆魏文




即於先師之德吾黨之士竊亦比之思夏古嗟乎前集經一時碩宿之手既如彼而此集拜大國尊貴之賜又如此不知不

先師地下之感喜如何也余  
校讎業畢仰感先師之  
老侯之至衷俯思先師之  
遺美因自忘其謏劣謹叙  
其事爾



文化戊辰仲春

門人東都泉長達謹撰



源敬之謹書



平洲先生嚶鳴館遺稿總目錄

卷之一

十六首

五言古詩 十九首

七言古詩 十四首

五言律 四十四首

五言排律 三首

七言律 五十一首

卷之二

七言律 五十六首



五言絕句 七十三首

七言絕句 三十一首

卷之三 七言絕句 三十一首

七言絕句 百六十九首

卷之四 七言絕句 百六十九首

序 古詩 十九首

卷之五 古詩 十九首

卷序 十六首

卷之六 古詩 十六首

平代記 主知即八首 紀行 一首

卷之七

行狀 二首 傳 二首

說 二首 銘 三首

讀 一首 論 一首

題跋 十八首 雜文 一首

卷之八

卷碑誌 二十六首

卷之九

四十六首



書牘 四十六首

卷之十 二十六首

書牘 二十七首

附錄 十八首 雜文 一首

墓誌 一首 碑銘 一首

行狀 二首 雜錄 三首

卷之十 二首 雜錄 二首

平洲先生嚶鳴館遺稿總目錄終 一首

平洲先生嚶鳴館遺稿卷之一

尾張 紀德民著

米澤 神保行簡

門人 東都 泉 長達 同拔

久留 樺島公禮

五言古詩

春日歸自澀谷途中看花有感

老親在堂時見兒多怡顏日適垂裕館倚門望兒還  
來往青山路思之窮足力易簣今三年此心不再得



出入何所依遲遲空大息悒鬱爲誰言忡忡寸心逼  
春風滿路花淚眼都無色

三日小館宴得卮字

會友及芳辰嘉此金蘭合朱花撲檻翻翠鳥傍樹而  
清遊興自逸不與埃塵雜旨酒共思柔苦言宜相納  
不知遲日暮春風吹酒榼

送中村子剛還浪華

清風送徂暑嘒嘒鳴暮蟬領君將歸意醉我草堂筵  
瓠葉茲雖薄兔首聊得鮮言笑傾舊醅惆悵理素絃

素絃調何苦涕淚下漣漣未盡新知樂已惜遠別端  
盈盈墨水迢迢浪華天浮雲千餘里旋反隔山川  
所恃在同心魚鴈時一傳行矣千秋業努力及盛年

送石井仲車暫還肥前

約與秋風至暫與春風歸此別三千里不過曠一時  
今年倍家釀莫負醉鄉期

哭兒

培植階庭樹新花媚老眸春風一何暴一枝不待秋  
淚眼存孩笑胸懷動悲愁壽夭我何惑亦有彼蜉蝣



須學東門達不襲西河憂斯築一坏土且使孤塊休  
修短暫異命豈終隔明幽

題米澤莅户士雲旣醉亭

權衡不虛施輕重應物亶君子樂天分履道蕩坦坦  
出入無它腸從容又奚憊兼暇掃小亭有朋尊亦滿  
相酬抽胸襟欣欣彼我行松柏晚翠深風草秋露散  
池魚方相戲林鳥閑伏卵嘯詠多情致天籟勝絃管  
旣醉醒相忘寧問長與短保安在知足懷寵非我伴

送林忠輔聞王母病歸省西條

鴻書何所報王母病在堂慈孫千里意豈暇惜離觴  
祇指西山日歸心海水長

中秋學宮賞月

三五中宵月皎皎照泮林老子興不淺置酒對青襟  
言笑憐永夜芳蘭氣何深擘擘五彩毫髣髴千古心  
各自懷拱璧誰更問籛金偏期笙鏞和唯在致鳳音

題畫

不堪暑熱苦呼硯含霜毫一揮秋水濶再拂碧山高  
晒然滿觥盡清風吹鬢毛



題備中金子緝鄉詩卷

聖代文明日英才輩出時憐君千顆玉貫得何纍纍  
珍藏如待用必與瑚璉期

余喪長男季女人見子魚贈酒肉繫詩以諭節

哀賦謝

女逐春花落男與夏雲滅妻非穆姜賢夫無門吳哲  
血淚涑成紅短髮吹爲雪老朽徒悲感此心向誰說  
賢友愛何深慙勸飲啜酒肉鮮且清拜酌益哽咽  
如無達者解哀傷何得節

米澤提學神保子廉承君命來見及其北歸走  
筆有此贈

來往四方士年年合與離道義交親暱相見肺腸披  
况爾妙年日當我強壯時相携度羽嶺泮宮論清規  
雖無南郡業偏依康成知良驥展逸足才華出等夷  
一登興讓館儼作一邦師別來年幾邁鴻鴈音空悲  
忽聞西轅急北望一何遲清風吹明月細雨蘇蘭芝  
相迎下一榻不知三旬移取醉芳樽下言笑共怡怡  
飲樂在同調豈假竹與絲驪駒忽一嘶矯首望天涯



衰老我已矣再面復何期努力先聖籍蘊奧竟可窺

觀東肥山中瀑布圖

少年好遊涉探勝屢忘疲登舟紫海濤停棹瓊浦湄  
華言歡文友誦習纍歲時每聞東肥勝心飛熊水涯  
無奈春風信訝我歸來遲高堂老親在北鴈喚人悲  
倉遑上孤鞍馬首東方馳蘇嶽遙送我黛色來涿眉  
行行北筑道回顧如有遺自慰盛壯日尚有再遊期  
還鄉意未已壯心馳難羈海岱又千里負笈逐先師  
關中四方會賢豪相追隨鳳鳴秋子羽龍游岡士騏

一語蘭芳合許我忘年知觴詠每相醉狀說境土奇  
聞之興激昂矯首望西陞悠悠三十年舊遊今誰有  
老去微官拙霜鬢髮爲絲不啻勝具廢精神日惆衰  
丹青何爽快肥山掌上披展縞巖壑轉凝眸水雲移  
奔流水雪碎懸水玉簾垂臨圖如夢寐恍惚意偏疑  
頓覺換塵骨仙飛自在之信哉當年語二老不我欺

贈別有馬彥章還肥府

相醉幾回酒未盡十年心今春又離別白首感何深  
聊有兔斯首相勸拂素琴慙君聽取誰若舊知音



贈別辛島伯彝還肥府

酌杯惆悵久此意奚多言老大如斜景少壯如升墩  
歸心一何遽別恨綿難緩回顧東方月鴻書勿厭煩

還山吟

富貴何爲物人生溷百年喟然投劍珮歸耕谷口田  
世路無蹤跡物象自一天春山邀我媚翠樹籠新烟  
架上千詩卷樽前一素絃孤燈照夜誦嬌鳥驚午眠  
宵襟無所慮日使我真全

書懷

茫茫天地間斯道何時闢昭昭歷聖文布之在方策  
君子行其義衆庶被其澤天運時隆衰人俗隨變革  
一治又一亂醇醜異今昔唯是五品倫千古猶旦夕  
雖或生惜暗靡世無明辟善哉達觀士處世如賓客  
毀方汎容衆比義無適莫恭儉遠尤怨寡欲潛形跡  
遭遇升廊廟功名垂竹帛否滯遯無悶澹乎居安宅  
富貴膚寸雲心腸萬斤石行藏有我時窮通不可易  
悲夫迷路子俚俚何所適不履正路坦狂走由險阨  
天地常高厚俯仰長跼躄遑遑靡止戾逐鼠徒相嚇



諂諛謂好述忠爭爲毒螫春暄使心寒夏畦日瘦瘠  
百年終不醒醉眠就窀穸嗟彼懵無知將安問菽麥  
少小誦詩書老愚如有獲理義飽芻豢憲言懷圭璧  
唯喜素而絢自忘玄之白達者豈敢期取舍聊可擇  
撫琴揚雅詠中心怡且憚悠然酌壺觴春風吹吾幘

偶成

此生寄天地誰道身世難出遊常萬里一劍上孤鞍  
東西又南北胸臆無辛酸企望崑崙雪長睨渤海瀾  
少年場谷日豈識桑榆寒四運歛代謝歲月流如湍

老心今尋去春水一片殘

不見米澤提學片山楨卿十年今春承君命來  
見四旬而辭去臨別賦贈

羽山千里路寤寐十年心樽前一相見情緒紛難尋  
子規啼何急徒使別恨深行矣遺經文輔仁在盍簪  
瑞禽多毛彩聯飛鳴泮林歸來采芹茆努力及光陰

七言古詩

西條侯彫龍閣

彫龍之閣彩雲隈畫棟璇題映日開賢侯好德稱多



士左右濟濟擁群才春林花樹秋天月金罍禮酌碧  
玉杯抵掌論文凌秦漢揮毫獻賦排鄒枚談天如行  
吾豈敢陪醉時時飽德回

石鈇山歌奉壽西條侯四十初度

石鈇之山接穹窿西條所祭石仙宮山出雲雨潤邦  
域禾役穰穰麻麥豐三農樂業民生足享祀以時神  
罔恫神之罔恫民和睦并舞頌禱爭奉公君侯修仁  
年四十四十年來德日崇石鈇山兮仁者壽不騫不  
崩永無窮

品川送江蕭卿

送別春風滿海城醉擁驪駒動離情玉筍之雲琵琶  
水行到芳山百花明好去前途故人在不用陽關第  
四聲

寄題伊吉甫綠竹園

松水之隩綠竹多竹裏開園興如何風瀟瀟兮玉琤  
琤聽微雨兮聞細波主人之家長物無牀頭釀得酒  
百壺詩友相邀酒伴足鯨吸龍吟日歡呼綠竹之竿  
長籬籬相携一釣松江鱸鱸魚之鱠重沈醉人間何



處歲月徂

初春晴雪過飲南宮喬卿晴雪樓賦贈澤子毅

子毅時筮仕富山

空恨去年雪不登晴雪樓恰好今春雪  
換向樓前流幽人意興勃難禁藜杖緩步遠相尋  
墨馱江上宿霧散青牛橋畔曙光深水涯斜轉到柴扃  
葛巾相迎眼先青清樽有酒不須沽歡笑坐久醉且醒  
更有親友自鄉至新就清官聲名馨休笑老生無成業  
短髮蕭蕭抱舊經東西南北壯士志何言身世似浮萍  
晴雪

之樓陽春曲我爲君歌君醉聽

延陵侯邸觀雪舟西湖圖引

大東畫手誰爲尤忌寸而來世代悠獨有名品誇近  
古備中竒人號雪舟舟也童齡十餘歲出離塵垢入  
緇流安知道機因畫發貝葉遺文不事修一朝切承  
老師譴堂楹繫舟永晝留泣淚如雨痕堂版忽使愁  
襟畫思浮漫逐斑痕運足指怪看群鼠跳指頭老師  
驚歎不復問丹青日夜任優遊如雪周文擅時名舟  
極其致意未平東走西奔無住著名山大澤苦經營



自恨真師不可遭飄上西溟萬里濤四明天童第一  
座亦無與舟爭清高朱明當代多名手勁筆千場終  
不撓承恩引見禮部院一揮滿壁氣何豪更圖海外  
神山雪八朶蓮華現彩毫一時名流盡心醉惜歸東  
望別緒勞自舟之逝三百年人間往往本真傳延陵  
賢侯故府秘西湖墨真最稱仙手記自杭還北直會  
同之館此圖全南北兩峰高樹色蘇隄六橋細波前  
靈隱寺中鐘欲動錢塘門外柳如烟都舐秃毫巧淡  
拂不假丹青一采妍說道先朝屬清覽慇懃報詔寶

藏堅張海紀生承侯歡偶陪清宴賜一看舟之天機  
何高邁臨圖爽然神骨寒紀生少來好山水歎嗟拊  
髀無緒端蜻蜓之脊東西極勝區名景我已觀唯憾  
渤海限天地東吳絕勝寄蹤難今日侯家對此真頓  
被高僧果宿因長房縮地何勞學一至侯筵卽羽人  
遊黃門紀伊公青山園賦上  
青山東北赤坡西茂林修竹鬱高低祇道宏廓元侯  
園豈知幽邃神仙栖相將晨自巽門入寂寂斜通樹  
下蹊蒼苔不涿塵埃氣佇立先教意想迷孤亭靜倚



圓山巔松檜陰清古砌前一株老櫻秀群木道是春  
風花照筵法師西行遠探勝此間春景正難指茅廬  
且結空林裏吟嘯憐花不擬旋藻思幽情懷往昔松  
風颼落古井邊亭下樵徑行不窮徙倚遙指赤松中  
萬株珊瑚擢雲外龍鱗高映晚霞紅童子潭水澹如  
藍倒涵樹影籠烟嵐芝山縈帶櫻花水安知發源在  
我潭公駕取涼三伏日岸上風慢氣凜烈一麾旅賁  
試善游爭探不測蛟龍穴更驅連騎蹈青波霜蹄亂  
飛滿淵雪仰見廟垣樹蓁蓁碧瓦寒高空翠勻回避

遙遙不敢進只恐聲影觸威神涉田攀躋森川館館  
開原上望坦坦垂櫻一株知遺愛使人彷徨步自緩  
聞道黃龍潛邨日每宴群賢醉絃管春光秋景何所  
憐花是佳賓月是伴堂構瀟洒出塵氛敦素不假丹  
刻文鑑戒長餘恭儉德海宇欣戴中興勲分境蒼池  
何湊沈回首湖雲失俯仰橋邊空棄一虛舟知是校  
人供遊賞中流鼓棹操具聲坐使胸襟覺快爽小堂  
憑高亦清素欲去徘徊留且往隔林村屋白寒烟幽  
致自然入野趣檻外清川玉作砂潺湲緩緩傍曲蹊斜



借問春芳何所見道是灣灣燕子花望瀑之亭豁晴  
明負阜盼崖巧經營階除密布玄珠色都是那知水  
石精怪松老柏蔭崖繁飛流百尺激雲根何人役鬼  
縮芳嶺幾年驅石轉龍門請見邦祖親親貴夙承尊  
爵鎮南藩千秋宗盟皈三邦眉壽當年老此園伏思  
茅封開國業滿園草木威靈存步下平田指霜林晚  
翠殘紅落日沈蕭條一路無人跡山風吹送暮鶴音  
公子前日遊此野掣鷹終朝獲十禽一境一奇奇無  
極欲寫賞心難自尋獨憐君恩假羽翼翩翩盡日翔

仙域已說觀魚知所樂不復隨鷗問忘機君不見分  
封五土列諸侯朱門粉壁繞玉樓水榭林院到處富  
誰家風月不豪遊萬金花樹千金酒動供皓齒與明  
眸豈比君子斯燕賢以德鼓琴鼓瑟時歌鹿呦呦

為玉子一壽乃翁六十

仙城有奇士號曰桃牛翁翁也年六十矍鑠何其雄  
翁之強健有素習夙舞刀鎗萬慮空笑他經營神心  
憊豈如踴躍筋骸充龍泉大阿知我者聲音采色如  
盲聾千場試技燕都市一選為師奧侯宮四方英豪



常雲集恩待遂見日益隆翁之養勇在寡欲翁之治  
氣與技通官成名達不自處辭寵避榮老牆東亦能  
談兵論勝敗一進一退妙無窮翁之有子更堪欣伯  
也繼業兼博文超遷正領祕書府綜理五典與三墳  
餘子聯翩文武備閭閻行行共出群伯也於我把臂  
久遙報壽辰寄慇懃欣然援毫思所頌享福如翁稀  
所聞但願日日飲美酒常對金華五彩雲

中秋草堂宴集

雲月秋高海岱間清遊卜得一宵閒滿堂人皆四方

秀青襟相映坐如環周詩楚騷才業足雕龍繡虎豈  
難攀操几勸杯歡不極遮莫霜髯被醉顏千秋一夕  
千觴酒坐使形神出塵寰君不見名教之中多樂地  
長嘯何必戀青山

結客少年場行

亡韓張氏子能椎萬乘秦男兒肝膽是何知七尺身  
千樽結客長安市豪華獨領萬樓春由來俠骨唯一  
具早晚借與在誰人

豐山歌奉祝我



公六十初度壽辰

城南城北多名園，豐山荔蔓出塵喧。到來風氣何和暢，武陵今日入桃源。餘慶堂前通雲路，茯苓坡上闢仙門。森松茂竹分象景，翠巖竒石敷瑤琨。柳絲細織春池浪花彩，均含雨露恩。修仙谷幽消炎赫，養老泉冷弄潺湲。霜早林光披錦繡，月明鴈影度郊村。朱簾揭出蓮峯雪，銀盤盛來玉屑飴。一遊一豫隨四叙，都領欣意如負暄。君不見五土列侯千區第，碧瓦丹樓映繚垣。誰比三邦頌珍玉，祚胤百世展親尊。華甲慶

辰賜宴樂奉觴秩秩醉琴樽，巍巍德容山嶽似知是無疆。仁壽存酒酣瓊筵，歡不極但屬詞臣獻頌言。詞臣更進豐山頌，鬱彼豐山嘉樹蕃。能疏蒙密成修直，上拂雲宵下盤根。離離璨璨垂珠寶，歲收萬億播元元。元元不匱邦國足，恩澤下流不可諉。擊壤鼓腹何歌祝我君，萬年萬子孫。

題山水畫

山峩峩水洋洋，碩人何其寬。終年樂意書千卷，盡日閑暢一釣竿。清琴鼓響和吾詠，雲月揚光助我歡。况



復瓢尊美祿足誰言富貴在衣冠

薩藩文學赤崎彦禮來別草酌賦贈

年年喜君來歲歲惜君別一離一合但如期何知此  
盟綿不絕勸君滿酌請莫辭寬飲且聽歌一闋明年  
更多釀春醪又掃花底引車轍

五言律

西條侯園中詠松

長松閬園種移植想仙林蓋歷嚴霜茂枝含瑞靄  
後凋餘聖歎中實副賢心更愛清風動颺颺入玉琴

訪江伯思卧病

梁苑餘恩在樽中獨未貧塵機將病息著作適間新  
高樹秋涼早幽窓月色親鳴琴時不廢自是茂陵人

同子章仲龍諸君宴松子由垂柳館懷木君恕

翠柳垂高館相逢思不窮詩因憶友就飲以論心雄  
移榻窺林月披襟對水風為憐投轄興尤恨少車公  
歲暮訪友人限韻

雪餘幽意動不管歲華深綠我泛舟興驚君抱膝吟  
棄捐身後事論盡醉中心一曲將流水知音在玉琴



觀廬山圖

滿壁匡廬色圖成勢自真青天懸瀑水彩霧鎖松筠  
坐久生幽趣觀深絕世塵因思陶隱士故與遠公親

歲暮集市隱亭

酣暢匏樽下清吟對爾新此中丘壑氣何物市門塵  
雪日雖潛景寒梅已洩春風流長可繼誰似草堂貧

羽中雪日

捲地寒颯起回頭萬象非唯看烟霧白不見雪華飛  
邑里冰為窟門高瑤作扉自疑玉京路遊賞更忘歸

送石子文歸秋田

觴君千里別盡我一樽醪欲贖無微物裁詩代寶刀  
心知重意氣交態輕綈袍好去雲中鶴何年復此翺

其二

羽山何杳渺冬月雪如烟驛路仙臺北鄉園鳥海前  
馬鳴寒日落猿嘯暮雲懸但有還家客駸駸不住鞭

其三

鴻書何太急不獨倚閣頰琴瑟後同調文章憶輔仁  
貂裘雖沒彩玉璞已含珍腹裏千餘卷堪持報故人



哭關溫卿

滿城春正至塊氣獨安之舊卷窮精在新題述志悲  
不融傷汝命哀慟益吾衰埋玉今朝雪空教泣淚斯

寄懷巨卿

為客千餘里思君二十年唯教雙鬢白未使一經玄  
悵望江樓夕悲吟酒榼前漫裁數行淚寄與暮雲天

長門木玄周介瀧子儀來見

瀧郎吾所愛所贊亦佳人那恨相逢晚還憐對酌新  
文盟千里合醉語一尊親此館君應識嚶鳴不厭頻

聞勢南田君孝謝病歸隱有此寄

聞君高揖去已領鼓山幽舊好書千卷相知月滿樓  
烟霞供痼疾泉石足清遊愧我塵途客無由問一邱

春晚同井子章松君修南宮喬卿飲管臯公子

池亭分得池字

邀客逢春盡移樽傍綠池輕風新樹動細雨紫藤垂  
醉語終無緒幽情自有詩都投賢主意燭至未知辭

不安達景文見訪席上賦贈兼呈竹山居士

景文竹山

門人



門有西來客及吾北地還親傳舊友語頓解新知顏  
恨不盈樽酒以同半日間君歸唯報道野老鬢空斑

哭南宮喬卿三首

爾汝髫齡好同襟四十年狂愚推我直力學讓君賢  
授簡梁園夕分觴楚醴前昨遊唯泣淚此意有誰憐

其二

常憐同甲子半百髮偕皤講學談今古論交重切磋  
一從流水逝空使高山峩悵望書堂月春風落薜蘿

其三

春城花正發使我益新愁歲歲彩霞館年年晴雪樓  
醉吟和且唱清興引相留回首望三徑奈何羊與求

林莊春月得雲字

夜坐林亭靜朧朧月出雲輕風花作雪小渚水成紋  
幽情唯自足真趣與誰云數弄清琴罷曉來醒又醺

卧病

萬里春歸日一牀卧病時梅花何處落柳色夢中垂  
永晝都無語短宵唯益疲此生付司命遮莫氣如絲

贈別小川君謝病還松山



飛霜千里路扶病返南州誰識忠良志難分社稷憂  
慨然投劍佩莞爾掃書樓君見鳴門海風波未肯休

集河子靜新居

知君隱趣真不避市門塵醉後人無我交遊德有隣  
浮雲忘富貴素志在清貧爲恨相知晚倍憐對酌新  
內藤侯尚齒筵會百歲以下至八十者九人賦

此寄贈

陰陽隨政理舊俗自多賢同德連三壽一堂醉九仙  
新花照黃髮古調入清絃爲頌寧邦化須教竹帛傳

伯就見惠佳集代東答謝

清風吹朗月鴈影寂沈沈忽領新編贈遙觀舊友心  
薰蕕本異臭玉石誰知音待我從君飲同聲一醉吟

自製山水圖贈野村君

盛年山水癖探勝不知休舟帆蒼海外杖屨白雲幽  
晚暮升官路烟霞作昔遊無端臨絹素畫罷思悠悠

丁未元旦

東溟捧旭日萬里煙霞新幸遇寬容政恬爲素食臣  
增光唯白髮間業乏纖塵遮莫椒樽酒先供六十春



服忠甫携土佐文學箕迂叔見訪次其韻

暖風吹杖屨輕雨浥行塵不憾花光薄還教草色勻  
締交歡遠客傾釀樂同人白首千相識誰如一醉親

春日同井子章過飲逍遙館醉中次子遠韻

招飲逍遙館春晴日色遲鳥聲穿茂竹花影颭清池  
晤語人無我真情酒與詩昇平何至樂醉飽艷陽時

冬日同諸子訪瑞雲蘭若呈道上人

一路三餘里同携五六人到來何世界回顧是城闔  
靜見寒林淨頓知色相真遠公能許飲應愛醉情淳

春日飲津子隣書堂醉後賦呈

來報春園好曳藜到草堂照筵花一樹歡客酒千觴  
醉耳唯知熱情言不覺狂宦遊逢此興轉使賞心長

患瘧戲賦

誰言虐君子延我出塵寰踏盡寒山雪屢凌暑嶺巔  
無隨千日醉猶得數旬閒大嚼引盃水招魂地上還

歲暮賀人新築分韻

目巧何容易唯看奧阼深催工爭短景移樹迫窮陰  
將及新花發好來嬌鳥音主人真隱趣豈有世塵侵



題畫寄懷小草翁

陽和敷品物百卉競芬榮故葉隨風謝新葩帶露生  
山中深小草水上老浮萍長嘯懷君日遙心畫裏行  
書懷

白首懷恩澤邱園未敢歸寒溫隨楚醴苦脆任周薇  
漫喜餘生靜何知既往非殷勤司庖吏休問朔羊肥

春日同子章子由諸子泛舟墨水分韻

放棹逢晴日迎朋喜彥賢春流波織綺晚渚柳含烟  
以此高情合寧無秀句傳但言疑李郭遮莫類遊仙

東奧道中

輿路猶綿邈憑高幾眺臨水清青石瀨山茂赤松林  
產業恬衣食歌謠濁土音行看風俗異轉使旅情深

太田左進翁八十餘辱翁之知愛四十年今歲  
從駕在東不得與其壽筵遙呈一律以寓祝慶  
之意

九疇稱五福嘉此壽康寧歷老身逾健如翁我未聽  
動居忘几杖誦讀就囊螢雖後八旬賀前期有百齡

畫鶴



老筆誰家子仙禽接坐馴素衣全掬雪丹頂欲鳴春  
自有瑤京質何關地上塵勝他冠帶客卻似畫中人  
冬日携諸子飲箕生郊居

曳杖來官暇城東數里天村醪忘世塵野興使吾憐  
暮色人烟白寒雲鴈影懸不須愁老步明月在郊田

秋日蕉隱公子携酒有見顧草堂賦此奉謝

何物佳公子舍車犯路塵桂樽盛墨水箬葉疊銀鱗  
竟坐唯詩酒當筵孰主賓秋蓬吾老矣努力大椿春

歲暮感懷分韻

停杯何所憶邈矣盛年時慷慨隨書劍飛揚駕驥騏  
丹心未全素白髮奈如絲屈指睨寒日空教淑景遲

聞高橋子行多種樹賦贈乞一株松

聞說翠松林春來轉鬱森晚光遲月影風雨亂鶯吟  
勁葉遮回涉新花不易尋請君疏茂密教我一蹊深

奉送村上侯歸藩

發軔逢徂暑熊轡不憚行世封尊社稷君業重民生  
五馬嘶毛野千山入越城遙知老與稚引領候鑾聲

五言排律



奉送上杉支侯歸米澤

本宗班大國朝典寵支流自異東蒙主偏依曲阜侯  
承恩辭玉殿卜吉駕驂騮虎節經毛野熊轡入羽州  
隸華歌翕合行葦賦同遊慮盡封疆治言參社稷謀  
桑蠶家織足辭麥井收伴老稚迎車處應聞擊壤謳  
奉送延陵老侯遊伊香溫泉

單車隨小隊僕馬載衾裯不有烟霞疾何追鹿豕遊  
驛從深谷去路入上毛幽暑正黃梅雨涼疑白露秋  
山光迎謝屐魚樂悅莊眸望氣知仙液排雲問羽流

文毫親紀勝藻思自將優行矣淮南賦今年屬隱侯  
至日學宮賜宴

育英修舊政勸學起新堂不啻明倫義無非納軌章  
文筵鳴鳳鳥素絨見羔羊灰管逢吹暖寒梅欲吐芳  
公厨分酒醴內使授圓方醉語情歡洽笙歌興激昂  
青襟憐汝美白首笑吾狂唯喜進髦士長觀大國光  
七言律

送石太一谷孚先自信中經張州還伊勢二首  
信中三月暖猶微一路寒雲並馬歸行見晚花迎夏



發俱憐回鴈後春飛將軍古戍荒烟斷仙客遺牀片  
石非送爾張城不堪憶更教離恨轉依依

其二

群嶺岩崑上接天相携歸路出雲邊飛泉掬處春水  
碎危棧攀時落日懸身犯瘴嵐酬壯志望窮竒秀入  
雄篇離情獨恨前期遠馬首東來復幾年

秋日送友人遊天橋

聞說天橋造化竒風光况復素秋時千峯夕靄開明  
鏡十里寒松妬畫眉陰火欲然龍女窟英魂難起虎

臣碑老來未踐丹中勝臨別空思閨秀詞

暮春陪宴西條侯駐顏亭得環字

高亭命宴坐如環躑躅花然錦砌殷爲是琴書耽靜  
好都教氣象出塵寰延賢鄴下開西苑招隱淮南卜  
小山共喜芳尊錫難老醉遊長此駐紅顏

送藤子德遊平安

欲別持杯惜未傾離歌偏動故人情關開鳥道春雲  
曙嶽秀霞標雪色明豪士猶存淮海氣茂才何讓洛  
陽名羈心休苦催飛馬自及烟花滿帝城



贈瀧鶴臺承藩命暫歸長州接待韓使

萬里韓槎修聘辰誰如上國禮過賓逢迎遠戒舟車  
美宴好偏供陸海珍揖讓儀容補髦士往來辭命付  
詞臣知君此會多文藻縞帶應遭相識人

送井仲龍先藩駕經信中歸備前

歸鞍一隊先朱輪獨見行裝載筆新路入上毛山繚  
繞天開岐阻石嶙峋羊腸積雪連初夏鳥道殘花後  
晚春濟勝今年留賦去定知神助寵詞臣

和答河士訥

秋玉山門人玉  
山有芙蓉記

海濶天長曉月浮火州西望路悠悠寧知尺素空中  
落忽有明珠暗裏投千里締交情自見十年懷舊淚  
空流遺編定讀芙蓉記濟勝何當尋壯遊

和答井子龍

衡門秋暮賦棲遲自感窮通此一時摘菊聊知元亮  
趣草玄寧比子雲竒沈淪不惜違清政蹇劣還甘引  
衆疑翰墨論文若無厭迎君青眼醉金卮

題友人隱居

坐卧山亭日寂然忽聞嬌鳥起春眠桃花細濕閒庭



兩柳色深含曲徑烟素瑟彈來唯適意新篇草罷豈  
知玄偏言藜藿生涯足何物功名更可憐

九日集井仲龍書樓

靜倚書樓護水涯只忘隣里接豪華風情自領幽人  
致世路何邀長者車縱取中山千日醉難違彭澤一  
叢花爲君欲賦登高興休問悠然眺晚霞

中秋邀諸君飲草堂得尊字

松竹陰深過雨痕墨江風月霽茅軒佳賓不讓南樓  
詠濁酒何羞北海尊徹夜情談無肺腑千秋氣韻合

篋頃休嗟歲歲霜爲髮老境還堪省世煩

熊府野伯修見寄懷押韻和答

錦字遙傳歸鴈春憶曾江館錢佳人交遊縱有同尊  
興醉語誰如舊好親偏報滿頭爲雪白豈知雙眼著  
花新愁吟此夜西窻月一夢飄揚紫海濱

古戰場

冷風蕭瑟暮雲長道是當年合戰場一將忠肝供報  
國三軍義骨碎勤王陰燐夜動空城兩鬼嘯秋沈曠  
野霜自慶清平安樂日唯因弔古作悲傷



老婦歎鏡

二八紅粧映晚霞  
宛然移步上同車  
羅幃爲繡雙棲燕  
玉鏡新鑄並蒂花  
豈識秋霜侵翠髻  
空含老淚戀容華  
照來猶是當年物  
形影何教好醜遐

歲暮陪宴來章閣

來章高閣倚城隈  
歲暮寒光促舉杯  
歡似魯僖歌泮水  
興疑梁孝宴平臺  
揮毫玉案春雲動  
秉燭銀尊夜月開  
好爲賢明寵群俊  
喜教縫掖此趨陪

和答米澤江松伯

檻外風光墨水流  
幾回詩酒賦同遊  
歸來意興唯雙鯉  
別後行藏自一邱  
龍嶽白雲隨採藥  
虎門春色懶登樓  
交情空說勞愁夢  
悵望天邊古羽州

東奧道中寄懷子章喬卿

醉中從別墨江樓  
日指天邊古羽州  
毛野渺茫蒼霧合  
奧山迢遞白雲浮  
懷人遠道悲殘夢  
聽雨孤亭賦旅愁  
恨不相携同此意  
每逢奇勝一踟蹰

東山題壁

東山在米澤城東南

擁羽東山獨超群  
登臨氣候逐看分  
千尋遙辨嚴冬



雪咫尺還迷盛夏雲棧斷懸崖過急雨道開丹嶂赤  
斜曛封疆但是稱懷德今日那須劍閣文

奉答米澤侯

曾將殊禮引烏巾自領恩光幾歲春那用虛文推上  
客都知舊政倚良臣澤中雨露蒼生茂臺畔烟霞白  
鶴馴尚是泮漫技當試屠龍今日有何人

辛卯夏旱米澤侯祈雨六月初五大兩賦紀喜

仰見山川禋祀和暑天雲合兩滂沱千林一色蘇生  
氣萬戶同情湧抃歌都道露華含瑞穗定知秋稅足

嘉禾餘恩更及吳牛喘頓使清凉療舊疴

暮秋浴丹泉携諸子東正寺見月

法界秋光坐自親滿庭楓葉錦爲茵雲邊鴈影空中  
字徑上樵歌畫裏人日暮層樓霜氣動風清萬壑月  
明新丹泉浴罷心神爽不怪攀躋脫世塵

送林周逸還小國

小國米澤下邑

百里山廻小國分地形遙想絕塵氛兼葭澤裏經青  
瘴苑芋峯頭入白雲提榼不妨眠藥圃帶書隨意就  
耕耘秋風好值香醪熟爲我携來更一醺



偶成

一身爲客羽山陞歲暮天涯感可知自笑文章非得  
意羞將經術漫稱師層樓月出含冰雪萬嶺寒高對  
酒卮徒使壯心猶未已髮毛無奈日加衰

答東渡上人押韻

上人高德久聽聞十歲幽居絕俗群紫鴿聲嬌盤裏  
食金龍色動鉢中雲虛名一世休推我妙理千秋舊  
屬君相許幸供蓮社酒肩輿欲問具多文

宇多老人青螺窟集分韻

結宇何年倚寂寥只看苔徑絕塵囂樽前話舊人皆  
醉戶外迎晴鳥自嬌一代名聲隨翰墨千秋樂事附  
簞瓢相携爲問烟霞疾頓使幽情厭折腰

秋日集秋田侯山館分韻

郭北山亭倚古城長松老檜與雲平珠簾不隔林光  
淨畫席親聞野鳥聲庭引石泉堪灌溉門開竹逕絕  
逢迎歌來已足清高趣誰向滄浪問濯纓

奉送郡山侯歸藩

畿邦分鎮接平安特見光輝簇玉鞍海驛秋風送征



旆關門曉霧想鳴鑿行歌調振三峯雪擊汰聲連七里灘別後郡山城上月幽情應憶布衣歡

和答伊吉甫

自別張城二十年墨河松水渺風烟談經一代人初老鍊藥千秋客欲仙大道紅塵驅馬路長江素月打魚船芳尊何歲迎青眼更望高山理五絃

奉賀郡山侯五十華誕

侯時  
告老

盛筵先祝五旬秋欲獻歌章意不休冕服長存千乘貴琴書更領一邱幽畿邦社稷傳雄鎮海岱烟霞附

菟裘自此養真能自足延年何羨玉京遊

送玉子一還仙臺

海表高開青葉城行看翠靄馬頭晴滄溟日出金華湧層嶺雲飛白石清楚履三千誇士富梁車十二得君明由來壯志從書劍重酌芳樽醉裏迎

乙未春余年四十八髮半白眼須鏡步須杖慨

然成詠

新正對酒獨長嗟犬馬空思歲月加經臘增寒髮邊雪迎春轉著眼中花非關古鏡多浮銹自使飛蓬不



可爬寒劣任它衰老至醉顏猶足映明霞

乙未至日謝諸君見過

但憐忝律動微陽杖屨相迎滿草堂淡薄聊供吳水  
菜芬香豈有蜀州薑無關太史窺雲物好是同人及  
景光依舊詠吟如不惜願教詩筆醉中揚

久不得子廉書為有此寄

天外論交動似疎故人情興近何如燕都片月寒蟾  
影羽嶺長雲久鴈書應是壯心爭寸晷豈同多病領  
三餘慙懃數字須無惜欲代尊前一笑舒

哭瀧鶴臺

忘年一自領同襟爾汝誰知交態深豈料白雲收鶴  
影空教流水咽琴音相思近報封中字感慨遙論病  
裏心回首昔遊都是夢草頭風露歛難尋

贈別熊子彥

此行何說悵離群歸馬春嘶輿路雲大曲河邊波織  
綺信夫山下石成紋家人產業桑麻富隱士風流翰  
墨聞待我東遊過羽嶺就傾香釀共君醺

僧某贄詩來見押韻賦答



飄飄一葦海西來幾處蓮華鉢裏開唯道水雲無住  
著那知詩偈作行媒窻中朗月聊相饗樹下清風不  
用推法思慙懃君自愛人間誰解出離才

十五夜望月同諸子懷源兩卿石仲車遊松島  
晴宵一醉倚江樓萬里思人輿路秋雙劍光搖星際  
氣片槎影度月中舟神山擁海金華湧仙島分潮玉  
樹流此夜遙心禁不得夢魂天外逐同遊

肥源兩卿石仲車勢一行上人自松島羽倉兔  
洲橫玄亭自天橋同時還東都暮秋十三夜會

飲兩卿氏席上賦贈

羽丹南北千重嶺肥奧東西萬里潮爭說問仙窮海  
島共誇攀月上天橋飛行巧咒青龍杖卧起輕携濁  
酒瓢豈識樽前醉眠者神魂亦已度雲宵

和答玉堂上人見寄懷押韻

一舉南天錫影高安禪何處卜蓬蒿驚看妙偈開金  
葉歎息衰顏變髮毛化界煙光元寂寂人間歲月奈  
滔滔長吟爲命盃中物醉裏空思舊日豪

丙申春米澤興讓館新成余應請往將與聞其



學政仲秋十八夜賜錢宴席上賦奉謝

詩酒通宵領寵榮金樽銀燭四筵明侯家自足風聲  
美泮水新添月影清元有忠良圖社稷羞將薄劣育  
才英此行爲帶恩光去無意徘徊賦別情

將之米澤留別從遊諸子

墨水橋頭望羽州白河關外路悠悠誰識壯心猶未  
已自羞優待遂難酬旅髮從侵北地雪孤鞍負去西  
風秋狂簡成章君輩事歸來相伴賦春遊

米澤客中夜飲含章館呈主人

天外相思感自深幾回風月入悲吟飛鴻十歲千行  
字孤燭通宵兩地心醉倒何須嗟白髮興來將復理  
清琴高山流水君聽取猶是當年曲裏音

余客米澤門人原仲豹自山形來訪臨別賦贈

別後西東各一天豈圖杯酒此相憐喜君竈古丹將  
化羞我書成白未玄奔走空教雙鬢短窮通但有片  
心全人生離合真無極爲約鴻魚慰暮年

羽中寄懷肥府野伯修客東都

天涯回首一相思別酒依依墨水湄借問燕都爲客



日何如羽嶺憶家時西溟片月愁中落北地寒鴻夢  
後悲不啻交情千里合今年此恨與君知

恭奉賀黃門紀伊公五十初度

鳳琴鸞舞祝千秋想像瑤京五彩樓貴以雄藩表南  
海親分寶玉位元侯恩仁下接藹蕙語儉素長圖社  
稷謀獻壽先籤知命日仙齡何物可爲籌

奉謁

東叡大王恭賦上

一奉恩招望紺堂春闌苑樹鬱蒼蒼行窺紫氣占仙

路遂逆香風拜梵王法食下頒甘露味慈顏開照白  
毫光文筵捧簡徒堪愧妙偈誰如貝葉章

恭奉壽我

公五十初度

瓊筵獻壽宴衣冠抃舞承恩扶絲蘭芳釀色均黃玉  
壺瑞芝光映紫金盤延齡豈傍群仙學享福長依百  
姓歡永夜笙鏞和樂甚坐疑鸞鳳下雲端

賜宅一崖賦示家塾諸子

新館傍花依竹篁鶯歌春遍一崖陽捲簾城闕晴烟



散映睫雲山翠黛長美祿足供千日醉殊恩分領四  
時光燕臺但欲來龍驥休怪駑駘先駿良

和答松君山先生押韻

由來耆德貴家邦更檢圖書映綺窗誰比仙禽翔彩  
霧自憐跛鼈達春江明經伏勝終無匹博物張華豈  
有雙鴻魚欲報情空急何日隨君醉玉缸

余講業東都三十年屢却諸侯祿聘安永庚子

歲辱本藩辟命承職侍讀明年辛丑春從

駕歸尾初朝國城賦紀恩榮

列松加翠映城闔屈指東遊幾度春豈料朝堂名望  
位終延草莽素流臣修文爲是遺經重薦舉叨教寵  
典新餘得寸心兼短髮不知何力答纖塵

平洲先生嚶鳴館遺稿卷之一終



平國次主知歸政數語卷之一終日斷續意分相四  
時尤集意出飲不能離休休為先駁反

和答松石山先生掛額

由來春德實家知是微圖書味綺意誰比仙禽羽彩  
露自誤賦體運春江朝經伏勝於熱已博物張華宜  
有雙鴻氣欲報情空急何日隨君辭玉缸

典濤繪屏女以兼賦變不吟阿內答懋墨安小庚子

斗然換草芥素燕日外文為長戲點重蕙果四塔齋

阪林吹翠郊無圖風許東茲幾與春豈採博堂古壁

Handwritten notes in the bottom left corner of the left page.



